

李文襄公奏疏

李文襄公奏疏目錄

題稿卷之五 督師

請補授營將

衛屬湖南獲捷

彙報歸正官兵

溫州大捷

嚴屬宋村等處獲捷恢復開化縣

招撫偽副將韓斌投誠

請調鄰省官兵進取

再請調發鄰省官兵

酌議捐輸安插難民

請卹陣亡將弁成國梃晉大忠等

衢州大溪灘獲捷恢復江山縣

李文襄公奏疏卷五

男 鍾麟編次

請補授營將疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲補授營將事竊惟溫區瑞安一帶漸次蕩平需兵防剿刻不容緩經臣前爲欲平賊氛等事疏內同黃巖等營合計經制缺額營兵五千六百七十七名一併

題請募補准兵部密覆各營經制兵丁應如該督所請

照數募補官員聽督遴選

題補等因隨經臣先將樂清黃巖大荆三營官兵

題報補設外今瑞安旦晚將下若待恢復之後

題報設官募兵不但往返濡滯有誤封疆抑且臨時待

募兵不習練又焉能責其隨復隨守今臣於將領中

遴選得標下前營叅將武榮謀勇夙著歷有血戰軍

功且能束兵整伍將士咸服堪以補授瑞安營副將

又查臣標中營千總李成功撫標左營千總高永俱

能遇敵爭先戰功屢著李成功堪補授瑞安左營守

備高永堪補授瑞安右營守備以上三員年俸雖尙

未泯然皆勇畧堪任當此用人之際似難拘以常格  
仰祈

皇上允臣所請庶得責其訓練成旅以便隨師夾勦隨復  
隨守至於臣標前營叅將員缺查有給劄効用都督  
僉事蔣懋勛効用有年才能堪任而且屢戰屢捷功  
績甚多先准部議投誠官員內有功績超著者浙省  
缺出與見任官一體

題補等因今以蔣懋勛補授前營叅將與例相符仰祈  
皇上俞允庶將士咸知鼓勵營務大有攸賴矣除將干總  
李成功高永履歷容俟另咨送部外臣謹具疏密

題伏乞

勅部議覆施行

康熙十五年正月二十日題奉

旨兵部議奏

獨屬湖南獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲塘報官兵獲捷事據臣標後營叅將趙得壽塘報到臣該臣看得衢州逆賊負固河西又令賊首王國忠等帶領賊兵數千屯聚湖南地方轉運糧草且恃山路險窄意我兵不能前驅進勦臣與平南將軍都統臣賴塔會商湖南乃係緊要地方不可不取隨即密示機宜令臣標叅將趙得壽同投誠効用都督朱英等外委戎旗都司王文魁等率領綠旗官兵由間



道前往撲剿去後今據該叅將趙得壽報稱於康熙十五年正月二十八日官兵前至彼地連破三關陣殺偽遊擊都司守備千總等員斬擒賊衆甚多得獲偽關防牌劄砲械等項焚燬賊巢塘報前來除臣一面量行賞勵外但此舉乘險斬關奪創賊衆與零星小捷不同各官兵奮勇用命功尤難泯所有緣旗官兵獲捷情形相應密疏

題報伏乞

皇上睿鑒施行

康熙十五年二月初四日題奉

旨覽卿奏會同將軍賴塔遣發官兵於湖南地方擊敗逆  
賊陣斬偽遊擊等得獲偽制器械等項具見調度有方  
將士奮勇可嘉在事有功人員事平之日議敘具奏該  
部知道

彙報歸正官兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲彙報歸正官兵仰祈

睿鑒事據浙江布政司布政使李士楨呈詳到臣該臣看得耿逆倡亂逼犯溫屬總兵祖宏勳變叛從賊致將應援各官兵與黃巖官兵相繼被陷上年八月間大兵進剿臣仰體

上諭渙仁念內中多有迫脅出於勢不得已者卽頒布皇恩多方曉諭被陷各官咸感激來歸臣准提督咨會并

鎮將道各官呈詳俱行布政司查議如提標原任遊擊張從仁千總羅永功把總王友白進德寧湧營原任千總李守節把總高起龍李一經等七員係康熙十三年五月內赴援溫州失陷之官又定海鎮標原任守備郭必昌千總張雲程提標原任千總王國禎把總陳自強喬金等五員係康熙十三年四月內赴援瑞安失陷之官又象山營原任千總達思明白永魁把總陳星等三員係康熙十三年七月內赴援黃巖失陷之官今俱於康熙十四年八月內各帶領被陷兵丁在黃巖乘機奪城佔奪浮橋迎接大兵來歸

又黃巖鎮標原任遊擊朱顧張英才千總王家顧馬良吳廷玉方大印把總張大成陳邦楊助周大勝黃巖城守營原任千總劉文秀吳進孝把總沈顯王起祥郭明福錢旺等一十六員係康熙十三年八月內黃巖失陷之官又黃巖鎮標原任守備秦鑑千總李國安二員係康熙十三年五月內赴援瑞安失陷之官亦俱於康熙十四年八月內在黃巖率衆歸順又赴援溫州被陷之官提標原任把總阮玉一員亦帶兵來歸又黃巖鎮標原任投誠効用都司江祿効用守備張德二員又原非經制營官受有都守千把僞

劄蔣興國等一十六員同時來歸亦俱繳有偽劄臣  
伏讀

恩詔內開一陷賊從逆官員兵民人等有能棄邪歸正自  
拔投誠者卽行免罪仍與敘錄其有能擒斬渠魁及帶  
領兵馬獻城納款者仍論功優加爵賞今各員或聯絡  
官兵奪城效順或至繳偽劄率衆輸誠具矢志忠貞  
皦然可見今據該司詳覆前來相應彙疏

題明聽候部議除帶回兵丁行令各標督查收入伍外  
所有繳到偽劄臣逐一核明備造清冊揭送兵部銷  
燬合併聲明臣謹密疏具

題伏乞

勅部議覆施行

康熙十五年二月二十日題奉

旨這彙報投誠各官着議奏該部知道

溫州大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲飛報大捷事據溫州總兵官陳世凱等塘報到臣該臣看得逆賊負固甌城寧游將軍固山貝子傅喇塔統率滿漢官兵晝夜環攻臣復飭行鎮將令其相機鼓勇協力進取去後今逆賊僞都督曾養性等被困窮蹙乃於康熙十五年二月十七日夜傾發賊兵四萬有餘分爲八路水陸齊犯溫州總兵官陳世凱等提標叅將王英等同滿漢綠旗各營官兵分頭迎



敵活擒偽副將何賓等五百五十餘名并陣斬偽副  
都督孫可德等共計陣斬賊兵一萬有餘落水淹死  
者不計得獲盜甲砲械等項甚多此皆仰賴

朝廷洪福齊天并大將軍和碩康親王指授方畧固山貝  
子躬親調度得獲大捷從此恢勦蕩平自可計日惟  
是官兵奮勇用命功尤難泯除將在事滿漢綠旗有  
功人員俱經臣分別給賞鼓勵外所有綠旗官兵獲  
捷情形相應密疏

題報伏乞

皇上睿鑒施行

康熙十五年三月初九日題奉

旨據奏貝子傅喇塔總兵官陳世凱等率領滿漢官兵擊  
敗水陸逆賊生擒偽副將何賓等五百餘名陣斬偽都  
督孫可德等及賊兵一萬有餘得獲偽印劄器械等項  
具見調度有方官兵奮勇可嘉在事有功人員事平議  
敘已有旨了兵部知道

宋村等處獲捷恢復開化縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲飛報恢復城池屢次捷功招撫效順事據署瑞安營副將事臣標叅將武榮嚴協副將洪起元平陽鎮標遊擊陳國任等塘報到臣該臣看得開化一縣界聯嚴屬且與廣信徽饒接壤今逆賊僞都督馬鵬盤踞常山與衢境河西之賊互相聯絡肆毒地方臣與平南將軍都統臣賴塔撫臣陳秉直會商必從嚴州遂安進兵抄襲後路先取開化然後爲克復常山之

地但嚴協官兵分佈不敷隨遣發署瑞安營副將事  
臣標叅將武榮平陽鎮標遊擊陳國任令其帶領在  
衛官兵前赴會同嚴協副將洪起元撫標遊擊門可  
貴等官兵協力恢勦開化并飭令勦撫兼施嚴束兵  
丁不許秋毫滋擾去後今據署副將事臣標叅將武  
榮等報稱率領官兵於本月二十九日前至宋村等  
處連破木城數座斬賊奪械焚巢獲捷二月三十日  
又攻破七峯寨木城擒斬賊衆獲捷三月初四日又  
盡焚遂開界口木城追至七里龍地方斬殺獲捷三  
月初八日勦殺伏兵直搗開化恢復城池追殺十餘

里陣斬偽遊擊都司守備千把總等擒斬賊衆甚多  
得獲大捷其餘各路賊首望風輸誠約計投到偽副  
將監軍道叅遊都守千把等各官共計六十餘員偽  
兵五千餘名難民一萬餘名塘報前來從此進剿常  
山不難攻取惟是各官兵連戰獲捷恢復城池招撫  
餘黨功勤難泯除將在事有功人員經臣分別給賞  
鼓勵外所有恢復城池勦撫情形臣謹密疏

題報伏乞

皇上睿鑒施行

康熙十五年三月十六日題奉

旨覽卿奏會同將軍賴塔等遣發官兵於宋村等處地方  
屢次擊敗賊衆擒斬甚多陣擒僞遊擊都司等招撫到  
投誠僞官六十餘員僞兵五千餘名難民一萬餘名恢  
復開化縣城具見勦撫並用將士奮勇可嘉在事有功  
人員事平之日議敘具奏兵部知道

招撫偽副將韓斌投誠疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲恭報招撫偽官歸誠仰祈

睿鑒事該臣看得偽副將韓斌原係武進士出身選授福建興化府城守營中軍守備因閩逆變叛脅授副將職銜遣犯衢境臣據投誠人章起元供稱韓斌有志輸誠來歸無便臣卽與平南將軍會商移咨江南督臣於原籍取其親子到衢交發平陽鎮總兵王廷梅杭協副將馬化龍臣標後營叅將趙得壽仍密授方

畧一面給以諭札密藏家人苑亮履中指引渡河前去韓斌果卽傾心向化帶領僞都司王得功等僞把總畢思臣等共六人各帶隨身器械輕騎前來繳割投順詢其賊中情形俱稱逆賊糧餉匱乏人心渙散且耿逆狂悖僭擬其居屋獸頭卽爲風變刮倒僞造服色悉被火焚可見天道不容殄滅可待惟是韓斌原係經制之官迫脅附從乃能眷戀

國恩一聞招撫卽從渠逆馬九玉營中自拔來歸其忠憤之志非尋常投誠者可比已蒙大將軍康親王給與副將劄付見在効用俟立有功績另疏



題敘其繳到偽劄揭送兵部外所有招撫投誠并供報  
闖逆情形理合密疏

題報臣謹具

題伏乞

勅部查照施行

康熙十五年四月二十三日題奉

旨據奏偽副將韓斌帶領偽都司等傾心向化自賊營來  
歸可嘉着議奏兵部知道

請調鄰省官兵進取疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲逆賊負固日久恢復萬難再遲亟

請調發鄰省官兵以資進取事竊惟衢州界連閩境實係全浙咽喉自耿逆叛變僞驍騎將軍馬九玉僞都尉朱懷德等統率逆衆直犯浙界臣與平南將軍都統臣賴塔督領官兵進抵衢州控賊要害凡所以鼓勵將士收拾民心爲地方勦禦計者不敢不竭盡心力而滿漢官兵擐甲枕戈無間寒暑者已逾二年所矣

幸賴

朝廷天威屢著捷功俱經

題報在案於是賊勢日蹙堅拒河西浚溝高壘以示持  
久臣與平南將軍都統臣賴塔再四籌畫止因浙省  
處處用兵分佈各路以致兵力不敷前此專望一處  
掃平便可併力攻取直搗仙霞不意各路寇氛雖屢  
經勦剋尚未撲滅若再曠日持久軍興浩繁萬一糧  
餉不繼所關非小且近接各汛報文江西廣信一帶  
因將軍額楚調回以致分水關排山各逆出沒開常  
欲與馬九玉賊營聯合在衢溫漢官兵分佈對壘止

可堵禦若欲急圖滅賊自非厚集兵力不足制其死  
命查江南省松江崇明綠旗官兵額設幾及二萬雖  
蘇松所屬濱海目下賊勢斷不能窺犯江南與其擁  
重兵以備未然莫若調繁衝以資實用且彼處額兵  
原多卽抽調來浙其存剩之兵尚足以分佈彈壓臣  
熟計情勢權衡緩急用是披瀝上

請合撫於松江崇明二提標下酌量調兵五六千名選擇  
精銳懇

勅提鎮重臣一員剋期統領赴浙聽大將軍親王調度并  
力進剿先破河西賊衆各路之賊不難瓦解從此入

閩底定當有日矣仰祈

皇上睿鑒

特賜俯俞星速調發來衢封疆幸甚臣本書生不諳戎務  
然叨沐

國恩天高地厚且膺此封疆重寄自矢捐糜踵頂圖報  
萬一今逆賊一日未滅臣罪一日難逭凡緊要軍機  
皆與將軍相商會啓親王定奪除與平南將軍都統  
卡賴塔會商已經啓達奉命大將軍和碩康親王承  
諭令臣具

題相應密

題伏乞

皇上勅部議覆施行

康熙十五年四月二十三日題奏

旨議政王貝勒大臣會議具奏

再請調發鄰省官兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲逆賊負固日久恢勦萬難再遲亟

請調發鄰省官兵以資進取事康熙十五年五月十二日  
准兵部咨開該議政王等會覆浙江總督李之芳題  
前事等因康熙十五年四月二十三日題五月初一  
日奉

旨議政王貝勒大臣會議具奏欽此該臣等會議得浙江  
總督李之芳疏稱若欲急圖滅賊松江崇明綠旗官

兵幾及二萬合無於二提標下酌量調兵五六千名  
選擇精銳懇

勅提鎮重臣一員剋期統領赴浙等因查江南崇明松江  
等處乃海口要地所關甚大今當夏令正東南風起  
之時江南省兵不便調動且計浙省所有綠旗官兵  
爲數不少相應請

勅大將軍康親王總督李之芳等於浙江省內審度緩急  
酌量調遣剿滅逆賊又總督李之芳親赴衢州善能  
保守而浙省倚賴今作何擊破逆賊及應由何路進  
取福建事宜令其作速明白具題可也等因康熙十



五年五月初二日題本月初四日奉

旨依議速行欽此移咨到臣該臣看得浙省與閩接壤衝當上游首衝此實全浙之咽喉入閩之門戶也臣與平南將軍都統臣賴塔極力捍禦已逾兩載正因本省各營兵馬屢次抽調戰守不敷臣特

請調鄰省官兵併力進剿今部議以江南乃海口重地不便調動請

勅大將軍康親王與臣於本省內審度緩急酌量調遣併令臣作何擊破逆賊及由何路進取福建事宜作速明白具題臣惟逆賊耿精忠叛變以來分遣賊衆一

由衢州一由溫州一由處州三路入犯兼以零星賊  
踪游移海洋狡謀牽制而且廣布偽劄煽惑人心以  
致杭紹台寧金嚴溫處等府不逞之徒所在蠭起自  
奉命大將軍和碩康親王寧海將軍固山貝子傅喇  
塔平南將軍都統臣賴塔等相繼抵浙遣調官兵各  
路堵禦屢奏捷功臣復督飭各鎮將及文武等官相  
機勦撫內地漸次安堵今溫州尚有逆賊曾養性祖  
宏勳等拒守未下處州尚有逆賊連登雲徐尚朝等  
負固石塘沿海一帶尚有逆賊熊進學等連踪飄忽  
以各路之逆賊狡之惟衢州一路賊勢尤重因衢州

爲入閩大路故耿逆勁卒畢聚於此今欲擊破逆賊  
進取福建必由衢州一路將此處之賊先破殲其精  
銳則諸路自不難於瓦解雖逆賊馬九玉朱懷德等  
見在溪溝重壘死守河西然其南則江山西則常山  
皆可以間道絕其糧運斷其歸路我兵一進使賊首  
尾受敵勢不能仍保巢穴便可相機撲勦以通入閩  
之路惟是在衢滿漢官兵目今分列營盤十座與賊  
止隔一河環甲枕戈晝夜衝擊欲抽兵前進則營壘  
空虛後路可虞欲留兵固守則前進兵單不能制賊  
欲於本省官兵再行抽調則杭嘉湖紹稍近內地者

先已調發殆盡其寧波定海象山寧海台州黃巖太平大荆樂清等處現在沿海分禦實無可調之兵臣與平南將軍都統臣賴塔再四籌畫請調鄰省官兵非不知松江崇明爲海口重地然浙江情形緩急不同耿逆陸路之賊勢不能窺犯江南所慮者海路之賊但海路之賊以船爲家卽倚船爲命縱或乘隙登犯斷不敢遠離船隻且皆係步賊不足當我鐵騎之馳突卽二年以來耿逆船隻並未輕出浙界可見逆賊兵力有限與順治十六年鄭逆入寇江南者不可同日而語況我兵力一足大張

天討直入閩中則逆賊方內顧之不暇而又安能窺犯他  
省乎此臣前疏所謂彼處額兵原多卽抽調來浙其  
存剩之兵尚足以分防彈壓者此也臣竊思兩載用  
兵

朝廷費億萬錢糧官兵受無限勞苦祇爲各路分兵彼此  
牽顧致令逆賊得延喙息今逆賊一日未滅軍餉一  
日浩繁若再曠日持久師老財匱關係非小仰祈我  
皇上俯念封疆重大將臣前疏

勅部再加詳議卽不便移調提鎮重臣止將精銳官兵選  
擇將領剋期赴浙聽大將軍親王調度速圖進取再

之五  
卷之三  
祈我

皇上頒示伐罪救民之

德意重申秋毫無犯之

綸音則軍紀嚴而民心固從此破賊入閩可奏蕩平矣臣

不勝惶悚待

命之至伏乞

皇上睿鑒

勅部議覆施行

康熙十五年五月二十日題奉

旨議政王貝勒大臣會議具奏

酌議捐輸安插難民疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題爲酌議安插難民之法以培

國本以拯殘黎事據浙江布政司布政使李士楨詳到臣該臣看得衢屬江常開化之民被賊淪陷臣等統師勦撫安輯流離日見難民攜妻挈子接踵來歸俱經臣各加撫慰賑給銀米發縣安插查此項難民多係來自遠鄉潛離賊地甫集城隅田園久已荒蕪廬舍業皆拋棄資生乏策投奔何從盡皆露處河干乞

食道左飢寒內切風雨外侵慘目傷心不堪盡述臣  
令道府各官先行搭蓋棚廠權與棲止第棚廠竹木  
之費當此軍興浩繁不敢動支公帑不得自行捐助  
除臣與撫臣陳秉直捐銀倡率仍令所屬各官量力  
樂輸惟是捐助一項若無鼓勵之法未必踴躍急公  
則難民日多事恐無濟行據布政司詳議請照捐助  
袍帽給賞投誠之例按數紀敘人必樂從搭蓋棚廠  
之餘更作牛種給民耕種此誠今日安輯招徠之急  
務除臣一面通行鼓勵勸輸一面將現在銀兩先卽  
舉行伏乞



皇上俯念邦本推廣

恩仁允臣所請凡浙省捐助安插難民者准照捐助袍帽之例一體紀敘庶樂輸多而拯救易則脅從自解流亡漸復所裨誠非小矣臣謹會同撫臣陳秉直合詞具

題伏乞

勅部議覆施行

康熙十五年五月二十一日題奉

旨該部議奏

請卹陣亡將弁疏

總督浙江等處地方軍務兼理糧餉兵部右侍郎兼  
都察院右副都御史臣李之芳謹

題爲彙報陣亡將弁仰祈

特賜優卹以慰忠魂以彰激勸事竊惟臣日在行間激勵  
將士上下一心共期殄賊者所藉

朝廷之信賞恩仁用以鼓舞忠勇之志氣蒙我

皇上軫念綠旗官兵不待事平先行議敘之

上諭一軍踴躍咸思効命惟是衝鋒陷陣殉身報

國其忠誠勁節若不亟爲表揚以昭優卹則勦力疆場

者無以示勸臣歷查各案准福建提督臣段應舉據  
標下中軍副將今陞平陽總兵官王廷梅援勦鎮總  
兵官李榮溫州鎮總兵官陳世凱等各咨呈內稱標  
營奮勇衝突殺賊陣亡各官遊擊成國挺等各在案  
據此該臣看得自耿逆犯浙以來率土同仇各標營  
大小將弁咸感

朝廷養義溪恩無不志圖滅賊如見在歷著功勳者臣隨  
一面遇缺

題擢以示鼓勵惟各案奮勇死事之官尤堪憫惻查陣  
亡遊擊五員則援浙江南提標遊擊成國挺援勦鎮

標遊擊晉大忠浙江提標遊擊胡鏡授浙鎮黃旗一  
等侯馬三奇下遊擊張國棟撫標遊擊門可貴也都  
司僉書一員則象山營都司僉書趙燾也守備四員  
則金協守備梁安嚴協守備虎邦俊瑞安營守備高  
永平陽鎮標守備朱有才也千總九員則援浙江南  
提標千總王攀桂何鯉援勦鎮標千總王國樑督標  
署千總胡得勝象山營千總王天才援浙江南提標  
千總翟顯援勦鎮標千總李虎溫州鎮標千總徐天  
平瑞安營署千總楊向春也把總一十三員則台協  
把總張斌援勦鎮標署把總劉舜援浙江南提標把

總路魁胡威任豹浙江提標把總馬文秀衛協把總  
間有功平陽鎮標署把總陳保浙江提標把總杜柱  
臣劉尚仁象山營把總陳永祿援浙鑲黃旗一等侯  
馬三奇下把總黃徵署瑞安營把總事太平營把總  
朱必勝也効用官一十五員則紹協部劄効用參將  
褚百五効用官張鼎元督標効用官林有信衛協部  
劄効用都司僉書章韜提標部劄効用守備李國瑞  
定海鎮標効用都司李生輝時國泰効用守備魏定  
國楊守德馬秉春部劄効用守備丘彥威部劄効用  
千總員虎援勦鎮標隨征官楊文祥溫處道下委用

把總徐忠浙江提標効川原任把總陳士強也以上各官均能矢志忠誠捐軀報効在

朝廷優卹定例昭然臣亦何庸額

請但其中尚有異鄉家口孤寡伶仃旅櫬無依資生乏策紛紛哀籲毒切痛心仰祈

皇上勅部酌議將各官應得卹典均照援浙京口營守備楊士祥擊賊身亡先行議卹之例卽爲卹賞庶早邀一視之仁不惟三軍感勵生死莫不銜結矣除象山營陣亡守備張秉乾等并各標協營陣亡兵丁現在行查容俟另疏

題郵外臣謹會同撫臣陳秉直提督臣石調聲水師提督臣常進功合詞具

題伏乞

勅部議覆施行

康熙十五年八月初九日題奉

旨該部議奏

大溪灘獲捷并復江山縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲飛報大捷恢復賊池事據杭協副將馬化龍臣標前營參將蔣懋勛江南提標遊擊崔天福塘報各到臣該臣看得逆賊抗拒河西負固已久必須厚集兵力方足制其死命臣前於請調鄰省官兵疏內備陳進勦機宜在案今奉命大將軍康親王於本年八月十四日統領大兵至衢軍聲丕振臣面啓情形隨奉令諭平南將軍都統臣賴塔副都統臣馬哈達等率



同援勦鎮總兵官李榮杭協副將馬化龍臣標叅將  
閻進趙得壽等帶領滿漢綠旗官兵星夜前進查大  
溪灘乃逆賊糧餉咽喉設營固守我兵奮勇攻破斬  
獲不計乘勝進取於八月十七日克復江山縣城河  
西偽將軍馬九玉等驚聞去路已斷喪膽奔潰除一  
面調發官兵分頭追勦外惟是浙省各路之賊衝爲  
最勁阻截入閩之路今幸仰賴

皇上天威大將軍勝算滿漢綠旗官兵奮勇克捷從此長  
驅進取蕩平可竣矣其獲捷功次容臣核明另報所  
有逆賊敗遁情形臣謹密疏上

聞仰慰

睿懷伏乞

皇上俯鑒施行

康熙十五年八月十七日題奉

旨據奏將軍賴塔等率領滿漢官兵將大溪灘逆賊奮勇  
勦殺擒斬甚多斷賊糧運衢州諸賊盡皆逃遁恢復江  
山縣城知道了兵部知道

李文襄公奏疏卷五

李文襄公奏疏目錄

題稿卷之六

督師

仙霞三關大捷

恢復常山縣並玉山界草坪獲捷

石塘勦殺逆賊大捷

請江南江西官兵合剿逋寇

恢復雲和松陽龍泉三縣城池捷功

招徠衢屬各路僞員

恢復江西玉山縣

恢復景寧遂昌慶元并福建政和松溪各縣

請改黃巖鎮爲水師提督節省錢糧

恢復溫處二府州縣

招撫僞總兵馮公輔等投誠

會剿鄰省陳村並招撫僞總兵汪文生等來歸

請蠲免被兵地方錢糧

擒獲賊首馬鵬捷功

李文襄公奏疏卷六

男 鍾麟編次

仙霞三關大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲飛報大捷搶關事據杭協副將馬化龍臣標叅將閻進趙得壽隨征効用都督僉事詹六奇効用副將林寶外委戎旗都司劉澤溪等塘報到臣該臣看得仙霞關地當浙閩分界乃係進閩咽喉第一險隘自恢復江山縣之後臣仰遵大將軍康親王方畧密飭

杭協副將馬化龍臣標叅將閻進趙得壽等帶領綠旗官兵隨平南將軍都統臣賴塔副都統臣馬哈達等統領滿漢官兵乘勝速取仙霞關去後今據該將等飛報官兵直抵關口分路夾攻逆賊見我兵威重大於本年八月二十日有偽副將金應虎等二員偽干總金起彪等二員首先投誠我官兵隨即四面齊進於二十一日連奪三關得獲砲械等項除臣一面遴員隨師入閩宣布

皇恩安撫殘黎外惟是連奪重關官兵已進閩境自此耿逆喪膽授首可期此仰賴

皇上天威大將軍康親王調度各官兵奮勇用命所致其  
各鎮營官兵獲捷功次容臣核明另報所有奪關大  
捷情形臣謹密疏上

聞伏乞

皇上睿鑒施行

康熙十五年八月二十二日題奉

旨據奏將軍賴塔等率領滿漢官兵於恢復江山之後乘  
勝追勦逆賊直抵仙霞關連奪三關逆賊敗遁偽副將  
金應虎等首先投誠得獲砲械等項知道了兵部知道



恢復常山縣并草坪獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲飛報恢復常山縣城追勦大捷情形事據臣標前營叅將蔣懋勛守備段斌薛受益援勦鎮標守備劉君明塘報各到臣該臣看得耿逆僞將軍馬九玉等因我官兵攻破大溪灘賊營斷其糧道克復江山縣已絕歸路逆賊喪膽逃奔情形已經臣具疏報

聞在案今據臣標叅將蔣懋勛守備段斌薛受益等報稱於本年八月十七日四更帶領官兵直搗逆巢逆賊

披靡潰遁共焚燬大小賊巢二百五十四座遵隨福建總兵官劉顯芳帶領綠旗官兵同江南副都統臣胡圖統領滿漢官兵星夜追殺至水南地方斬賊焚巢直抵常山奮勇衝擊逆賊大敗奔逃於八月十八日克復常山縣城追至江西玉山交界草坪地方陣斬偽都司一名偽把總一名殺賊甚衆得獲砲械等項不計但衛屬西龍開常一帶以及嚴屬遂安淳壽等處各路山源險僻向有賊衆分佈屯剽今加以奔潰零賊四散竄匿尚爲隱憂除臣一而遴員齎示通加曉諭宣布

皇仁設法招徠相機勦撫外惟是河西大股逆賊負嵎死拒數日之間併力掃蕩連復縣城晝夜窮追奔出浙界自此遊魂落膽殄滅可期此皆仰賴

皇上天威大將軍親王調度各官兵奮勇用命所致其各鎮營官兵獲捷功次容臣核明另造清冊所有恢復追勦大捷情形臣謹密疏上

聞伏乞

皇上睿鑒施行

康熙十五年八月二十二日題奉

旨據奏副都統胡圖等率領滿漢官兵追勦逆賊擊敗賊

衆斬殺甚多焚燬賊巢二百五十餘座陣斬僞都司等  
恢復常山縣城得獲砲械等項知道了兵部知道

石塘勦殺逆賊大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲飛報官兵勦殺逆賊大捷事據浙江平陽鎮總兵官王廷梅塘報又據溫處道姚啓聖報同前由各到臣該臣看得石塘逆賊僞都尉連登雲等憑險死拒爲日已久臣屢飭各鎮將相機攻勦去後據平陽鎮總兵官王廷梅溫州鎮總兵官陳世凱各報稱奉寧海將軍固山貝子傅喇塔調發滿漢綠旗官兵分路進勦於八月二十二日攻破石塘賊寨將木城盡行

三才圖會卷六  
焚燬斬賊不計餘賊敗潰奪獲偽關防牌劄銃砲器  
械等項連登雲等逃遁雲和官兵見在追襲此皆仰  
賴

朝廷天威大將軍康親王指授方畧固山貝子身親決勝  
各將士用命獲此捷功除在事有功各官容臣一面  
查明另敘外所有攻破石塘賊巢殺賊情形合先密  
疏

題報仰祈

睿鑒施行

康熙十五年九月初一日題奉

昔據奏貝子傅喇塔遣發官兵攻破石塘賊寨斬殺甚多  
焚燬木城得獲偽劄關防等項知道了兵部知道

請江南江西官兵合剿逋寇疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲殘疆亟資整頓逋寇深慮蔓延請

勅鄰省官兵合力夾剿以靖根株事竊照閩逆入犯浙境將及三年煽惑勾連廣植黨羽馬九玉率精銳之卒連營下洲四處險隘在在蟻擁互相犄角如衢屬之西果園則有賊首汪保胤等湖南溪口則有賊首王國志張三虎等上路源則有賊首王國升管記生范安國等赤津嶺則有賊首王孝楊雄等上方則有



賊首方明馬三李惟信等三源戴則有賊首廖雄等  
八角殿則有賊首羅廷等硯瓦山則有賊首偽葉叅  
將劉叅將等芙蓉村西山牛角東岸李村一帶則有  
賊首馮義汪壽黃中王份徐嘉邵金勝汪武臣等龍  
游與處屬接界之高坪則有賊首朱霞仙等金竹嶺  
則有賊首葉總兵等與金屬接界之梧桐地方則有  
賊首包大生等其他姓名未易枚舉皆顯受耿逆偽  
銜劄印招納亡命恭布星羅團結於數百里之間其  
中雖屢有擒獲歸順者但黨類實繁蔓延難盡今渠  
逆馬九玉馬勝朱懷德呂雲翹余廷俊郭炳興等仰

賴我

皇上神武丕揚奉命大將軍康親王決勝進剿賊勢駸已瓦解及臣分檄各路確摺數日以來屢接塘報餘孽竄避者多潛匿附近山谷又據嘉興營守備薛受益報稱揆得開化縣賊首馬鵬吳正陳崑山等衆進白沙關屯剗新建地方又常山龍山源賊衆萬餘係福建人當日安插開墾屯田者屯剗彼地離常山七十里又僞白將軍僞徐將軍王將軍等賊兵仍聚開化西路高山及七都球等處約計餘孽尚不下數萬此皆與江南徽州江西饒州廣信等府緊相接界而僞

總兵周立桑明則屯踞廣信祝茂華葉君瓚劉英林  
起龍等則把守玉山縣子午口與常山相距僅數十  
里目今通誅之寇散布岐界且係崇山峻嶺使彼稍  
延喙息勢必滋蔓難圖不惟常開一帶實切剝膚卽  
三省接壤之間終無寧謐之時而况浙境之伏莽未  
靖所有臣標及各營練習官兵又皆攻克仙霞隨軍  
進閩今存畱在汎者分防新復各縣守禦不敷此臣  
之深慮却顧憂心如焚不遑寧處者也臣身處殘疆  
敢不竭力整頓境內餘孽已廣布

皇仁多方招撫其頑冥抗命者相機撲剿至流離難民目

擊心傷臣不忍使之失所酌量動給官銀賑恤一面  
備咨差官馳赴江南江西督臣撫臣移會進兵合剿  
外惟是事機遙隔呼吸難通故敢請沛

綸音庶

天威赫濯乘此勝勢早圖殄滅以靖根株仰祈

勅下江南江西督撫及統兵將軍諸臣合力夾剿則軍聲

益振逋寇無所逃誅矣臣謹特疏密

題伏乞

皇上睿鑒

勅部議覆施行

李文襄公奏疏卷六

合剿逋寇

九

康熙十五年九月初一日題奉

旨議政王貝勒大臣會議具奏

恢復雲和松陽龍泉疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲彙報恢復城池屢次捷功事據杭協副將馬化龍臣標叅將閆進趙得壽嚴協副將洪起元瑞安營副將武榮撫標遊擊胡上達援勦鎮標遊擊朱知微溫州鎮總兵官陳世凱平陽鎮總兵官王廷榜溫處道姚啓聖塘報各到臣該臣看得自衢州河西渠逆敗潰之後臣密飭各鎮將道乘勝攻勦相機招撫除恢復江山奪獲重關直入閩疆情形業經

題報外今復據杭協副將馬化龍臣標叅將閆進趙得壽等報稱隨平南將軍都統臣賴塔等協同滿漢綠旗官兵恢復浦城追斬賊衆又據叅將趙得壽守備曹象恆報稱官兵已抵建陽縣殺敗逆賊隨即入城又據嚴協副將洪起元瑞安營副將武榮等報稱於開化一帶恢勦地方斬獲甚多又據溫州鎮總兵官陳世凱平陽鎮總兵官王廷梅報稱奉固山貝子令諭協同滿漢綠旗官兵恢復雲和又據溫處道姚啓聖報稱招撫松陽龍泉百姓并偽官兵人等恢復二縣此皆仰賴

皇上天威大將軍康親王固山貝子傅喇塔調度各官兵奮勇用命所致其標營官兵獲捷功次容臣核明另敘所有各路獲捷恢復城池情形臣謹密疏彙

題伏乞

皇上睿鑒施行

康熙十五年九月十五日題奉

旨據奏副將洪起元等各處擊敗逆賊斬殺甚多得獲器械等項恢復雲和松陽龍泉三縣城池具見調度有方將士奮勇可嘉在事有功人員着議敘具奏兵部知道



招徠衢屬各路偽員疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲微臣設法招徠賊衆漸次歸命謹陳就撫情形仰祈

睿鑒事竊照偽將軍馬九玉等敗遁之後向日屯聚倚角之寇以及新潰竄匿於附近山谷者實繁有徒臣已於殘疆亟資整頓等事疏內具

題在案惟是浙省用兵以來民生困苦已極衢屬地方流離殘破不忍見聞今幸仰賴

天威聞逆瓦解若不乘此勝勢汲汲布置倘再蔓延爲害  
非小臣是以卽日啓明奉命大將軍康親王頒示曉諭  
諭凡係被脅來歸者概宥前愆仍大書告示廣布

朝廷恩信令其悔禍輸誠安全得所并查有名賊首各給  
諭帖開導禍福隨有常山縣僞副將楊良雙接臣諭  
札泣下願爲効死臣又設法將原任衢協把總今受  
耿逆僞副將何起先妻妾家屬捕獲羈縻當遣人齎  
示招諭亦革心投到卽令給還家屬完聚咸皆感泣  
圖報於是分頭遣招而江常開等處先後投到僞總  
兵則有葉國榮等僞贊畫參謀則有楊作楫江濤等

偽副將則有余大典朱國珍蕭俊師王德貢汪霖孫  
肇業等偽叅將則有馮義汪壽余佛位王龍鄭士龍  
朱國斌楊飛雄葉福生李國佐范安國徐國賓傅瑞  
龍等偽遊擊則有周兆相邵國鎮王國忠徐廣等二  
十八員又原係衢協把總今受耿逆偽遊擊則有徐  
見龍陳韜等偽都司則有余鳳山祝凌虹柴國柱鄭  
鼎驊等三十餘員偽守備則有王虎汪宗勳黃中徐  
嘉等八十餘員偽千總則有徐海金永程正鄭朝徐  
初余義等一百二十餘員偽把總則有鄭榮選鄭虎  
王升鄭介葉績童元等七十餘員偽効用標員則有

陳濂何鳴岐王問疇程悅詹登乘汪演張招等僞旗  
鼓僞百總則有徐君彩余遇陞鄭喜等僞知府則有  
徐良牧僞通判則有徐兆祉孫錦汪國楫孫國彬徐  
鍾玖等僞經歷主簿則有徐仁徐文卿等又原係在  
浙失陷職官則有原任常山縣知縣丘晉縣丞吳宇  
周儒學訓導崔大升等俱各帶領兵目呈繳僞劄關  
防器械等項前來投誠又僞叅遊守備千總盧大成  
徐通等一十六員僞知縣余亨一員僞守備千總金  
元等四員僞守備千總施韜等三員亦各前來投誠  
以上約計投到僞總兵僞叅謀僞副叅遊都守千把

等員并僞文職共四百餘員僞兵一萬四千九百餘  
名臣逐一面諭我

皇上浩蕩宏恩好生德意毋以負罪得免輒懷倖心各皆  
犒給酒食銀牌花紅袍帽無不痛悔前非誓死無二  
兩旬以來賊黨漸次解散又據杭協副將馬化龍報  
稱僞來遠將軍馬勝將僞勅銀印交送該協已差把  
總陳文押赴大將軍親王軍前投誠所有開化縣賊  
首張可因在江西德興縣接界湯溪縣賊首包大生  
等因在處州遂昌縣接界山源溪僻俱各具領剋期  
投赴衢屬西龍江常開五縣被陷人民率皆遵令剃

髮訖臣酌動銀米賑濟撫綏漸有次第所有招撫有功人員併投誠花名細數安插効用入伍歸農客臣另冊送部至於當日墾荒種靛人等悉係閩籍憑藉逆賊黨羽屯聚於龍山源青山殿子午口大橋頭等處負固緩死臣現在相機勦撫外目今循處二府賊寇大創之後地方似可竭力收拾獨溫州一區相隔遙遠臣已檄行溫州鎮總兵官陳世凱溫處道姚啓聖從青田一路設法勦撫又檄委台巡道楊應魁黃巖鎮總兵官鮑虎熊分畛域從樂清一路設法勦撫若江西廣信饒州等處數百里之間餘氛屯踞與浙

咫尺接連開常一帶實切隱患臣以封疆起見不敢  
膜視一面遣發高牌示統兵進剿之勢一面遴選人  
役將有名僞目齎諭往招臣謹將近日招撫情形具  
疏密

題伏乞

皇上睿鑒施行

康熙十五年九月十五日題奉

旨據奏招撫到投誠僞總兵知府文武等官四百餘員兵  
丁一萬四千九百餘名具見設法招徠可嘉知道了兵  
部知道

恢復江西玉山縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲遵

旨會勦恢復鄰省縣城事據臣標參將蔣懋勛太湖營遊擊姚世熙援浙江南提標遊擊崔天福報稱卑職等奉本部院牌開大兵進閩所到望風投順其徽饒德興廣信玉山一帶賊黨亟應乘此勝勢三省會勦以淨根株已經本部院具

題奉



旨依議速行除欽遵移會鄰省督撫及統兵將軍併行各將領外該將等即便確撲進剿恢復玉山縣地方拯救生民毋得遲誤等因奉此界職等卽於康熙十五年十月初六日率兵自常山起行進取玉山於初七日黎明據鄉民口稱僞總兵汪文生聞大兵進剿欲遁往廣信職等卽令守備薛受益段斌龔堂沈澤等率兵追剿直抵玉山縣城門緊閉當有守備段斌龔堂等首先扒越北門薛受益沈澤等扒越東門砍開城門率兵大進尾追逆首汪文生等斬賊百餘投誠僞叅將林宇僞遊擊蔣士榮張正元僞守備張成義

厲成等五員率衆納印繳劄等情到臣該臣看得江西玉山縣與衢屬常山接壤餘寇屯聚實逼門庭岐界未平諸賊已經臣

題請三省官兵合力夾剿奉

旨依議速行臣卽欽遵移咨鄰省督撫及統兵將軍諸臣去後弟寇氛密邇百姓久罹湯火雖在浙兵力不能遠及鄰境臣以

朝廷封疆起見不敢膜視一面密飭各將領相機進取今據臣標參將蔣懋勛等報稱守備段斌龔堂薛受益沈澤等首先扒城恢復玉山縣追斬賊衆僞參將遊

擊守備等員繳劄投誠塘報前來查既復玉山相距  
廣信不遠除再密飭各將領確撲賊息臣一面委員  
安輯殘黎并移會該省督撫酌調官兵保固地方外  
各官兵奮勇用命功勤難泯所有恢復鄰省縣城情  
形臣謹密

題伏乞

皇上睿鑒施行

康熙十五年十月十二日題奉

旨據奏遣發官兵進剿逆賊於江西玉山縣地方擊敗賊  
衆恢復玉山縣城僞參將等繳劄投誠具見調度有方

將士奮勇可嘉在事有功人員着議敘具奏兵部知道

恢復景寧遂昌慶元并福建政和松溪各縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲彙報恢復城池招撫效順事據溫州鎮總兵官陳世凱等塘報各到臣該臣看得自處州渠逆潰敗連復雲和松陽龍泉已經臣

題報在案今據溫州鎮總兵官陳世凱報稱遣發官兵招到偽叅將都守偽知縣訓導典史偽兵等恢復景寧遂昌二縣又據溫處道姚啓聖報稱遣發官兵招到偽遊擊守備知縣難民等恢復慶元縣并福建政

和縣又據平陽鎮總兵官王廷梅報稱率領官兵招到偽參將遊擊守備偽知縣縣丞偽兵難民等恢復福建松溪縣各官兵乘勝進取連復縣城設法招徠功勤難泯所有恢復各縣招撫情形臣謹密疏彙

題伏乞

皇上睿鑒施行

康熙十五年十月十二日題奉

旨據奏總兵官陳世凱等招到偽參將都司等恢復景寧遂昌慶元政和松溪五縣具見設法招徠可嘉着議敘具奏該部知道

黃巖鎮改設水師提督疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲黃鎮現在缺員水師募兵未足仍

請改鎮爲提節省錢糧以收目前實效事竊惟浙省設立水師提督先經臣議以定海鎮總兵官朱萬化告病員缺請照江南崇明改鎮爲提之例具

題原從節省錢糧起見後因沿海賊寇水陸交訌仍復定海鎮其水師提標部覆准於定海鎮標分兵一半缺額各自募補其駐劄管轄之處行臣再議臣已經

題覆在案時因滇疆多事提鎮官兵征討應援居處不  
常又以水師提督與定標分兵各有父母妻子安土  
重遷不便輕調議定同駐定海實行於一時權宜是  
以有事平另議之

請今大兵進剿斬關入閩勢同破竹各路餘孽望風解體  
近日情形與前自不相同蛟關雖屬險要一鎮足資  
彈壓當此軍餉浩繁之際伏讀康熙十四年十二月  
十四日

恩詔一款凡關係籌餉節用裨益兵民事宜如有確見着  
據實條奏欽奉



綸音凡可爲

朝廷加意節省者臣不敢不悉心籌畫茲黃巖鎮總兵官鮑虎已經病故除臣另疏

題報外查黃巖逼近大海東聯溫郡西接台寧向來原係水師駐泊之地目今亟資重臣調度況水師募兵未足營官遴補未題管轄事宜部議未定臣敢特疏上

請仍以黃巖鎮標官兵改爲水師提督駐劄黃巖則兵不別募餉不加增一轉移間標旅可成校之另設提標歲費糧餉數萬餘兩所省實多且控制嚴疆有裨兵

民非淺鮮也查水師提標設兵四營共計三千四百  
名黃鎮額兵二千九百五十名其不足者卽以新募  
兵丁充補定鎮官兵仍歸原標甚屬妥便其管轄事  
宜前議溫黃定三鎮咨商統轄今除黃鎮改設外溫  
定二鎮仍照前議其餘各項事宜已於補授提督事  
疏內

題明燕庸更議如蒙

俞允其改補營員馬步戰守分配船隻等項容臣另疏具  
題令并聲明臣謹密

題伏乞

皇上睿鑒

勅部議覆施行

康熙十五年十月十二日題奉

旨兵部議奏

恢復溫處二府州縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲溫州全府恢復青田向化歸誠臣謹密疏

題報仰祈

睿鑒事據溫州鎮總兵官陳世凱溫處道姚啓聖署處協副將事提標叅將王英等各塘報到臣該臣看得浙省自衢處賊衆敗潰溫區之寇勢已瓦解前於微臣設法招徠等事疏內經臣

題明檄行溫州鎮總兵官陳世凱溫處道姚啓聖等設

法勦撫在案臣復大書告示廣布

朝廷恩信令其悔過輸誠并有名賊首各給諭劄開導禍  
福去後今據該鎮等報稱遁叛藩已經投順各僞員  
計無所歸隨有僞都督曾養性原溫州鎮今受僞定  
東伯祖 動僞將軍熊進學原平陽鎮標遊擊今受  
僞總兵賈文學原平陽營叅將今受僞溫處道李宮  
牆等并令屬文武各僞官盡皆剃髮歸順而溫州一  
府與永嘉樂清瑞安平陽泰順以及處屬青田等縣  
俱全恢復除一面緩輯殘黎多方撫慰其拯救地方  
蠲賑事宜容臣一面另疏具

題并投誠僞官兵數目統俟造冊送部外所有溫處就  
撫全復情形臣謹密

題伏乞

皇上睿鑒施行

康熙十五年十月十四日題奉

旨據奏溫州闔郡僞官兵民人等投誠溫處二府州縣盡  
皆恢復知道了該部知道

招撫偽總兵馮公輔等投誠疏

總督浙江等處地方軍務兼理糧餉兵部右侍郎兼  
都察院右副都御史臣李之芳謹密

題爲恭報偽鎮全旅歸誠仰祈

睿鑒

勅部議敘以勵勤勞鼓舞向化事據溫州鎮總兵官陳世  
凱溫處道姚啓聖等塘報到臣該臣看得處屬偽總  
兵馮公輔屯踞松遂等縣已及三年今大兵分路勦  
撫處屬各縣次第平定而馮公輔擁數千之衆尙屯  
山谷臣仰體

皇仁頒發諭劄差員宣布

朝廷恩信令其悔過輸誠并敍行鎮道等官就近會同駐防處州總統莫洛洪相機勦撫去後今據溫州鎮總兵官陳世凱等報稱僞總兵馮公輔傾心向化率領僞副叅遊都守千把總并僞同知通判知縣等官共二百二十八員僞兵三千四百六十餘名呈繳僞勅關防劄付器械等項願赴臣軍前投誠至衢之日臣逐一面諭我

皇上浩蕩宏恩好生德意各犒給酒食銀牌花紅袍帽靴帶無不痛悔前非踴躍懽忭誓死無二臣查各路餘



孽潛伏徽饒廣信岐界者尙多見在設法招徠今僞  
鎮全旅來歸似與尋常招撫不同所有在事有功人  
員并投誠僞總兵馮公輔伏乞

勅部議敘以爲向化之勸其餘僞職人員容俟分別効用  
入伍歸農另造清冊同僞勅關防剗付送部所有僞  
鎮全旅歸誠情形臣謹密

題伏乞

皇上睿鑒施行

康熙十五年十一月初六日題奉

旨據奏總兵官陳世凱等招撫到僞總兵馮公輔并僞副

將等官二百二十餘員兵三千四百餘名可嘉着議敘  
具奏馮公輔着議奏該部知道

會勦陳村招撫偽總兵汪文生來歸疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲遵

旨會勦鄰省并設法招撫效順事據臣標叅將蔣懋勛等撫標遊擊胡上達等臣標守備段斌等各呈報到臣該臣看得江西地方與浙省接壤其岐界未平諸賊奉

旨會勦除臣遣發官兵恢復江西玉山縣城已經

題報在案今據各路餘孽尚多潛蹤臣當卽密飭各將

領相機勦撫去後今據臣標叅將蔣懋助等於開化  
玉山之界陳村等處奪關焚寨大破賊營斬獲甚多  
又據撫標遊擊胡上達援勦鎮標遊擊朱知微等於  
白沙關地方陣斬偽遊擊都司守備千把等員得獲  
偽劊器械等項又偽總兵江文生等遁入廣信經臣  
頒發諭札宣布

朝廷恩信隨據臣標守備段斌等招到偽鎮官兵呈繳偽  
關防劊付全旅來歸除經臣備給酒食銀牌花紅袍  
帽外惟是各官兵勦撫兼施功勤難泯且偽鎮全旅  
來歸更與零星投誠不同所有在事招撫有功人員

并投誠偽總兵汪文生伏乞

勅部先行議敘以鼓向化其餘各偽員容臣分別効用入  
伍歸農另行造冊同繳到偽關防劄付送部至廣信  
偽將軍黃朝川已經歸順而耿精忠下向日所屬各  
渠逆尚有踞守鉛山石塘港東源湖坊暨興安弋陽  
貴溪樂平德興安仁等處除一面移會鄰省官兵相  
機剿撫臣謹密

題伏乞

皇上睿察施行

康熙十五年十一月初六日題奉

旨據奏叅將蔣懋功等於開王交界陳村等處擊敗賊衆  
又守備段斌等招撫到偽總兵汪文生等全旅來歸可  
嘉在事有功人員着議敘具奏汪文生着議奏該部知  
道

請蠲被兵地方錢糧第一疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題爲殘疆困苦已極難民號救堪憐謹遵

恩詔亟

請蠲賑大沛

皇仁以救百萬生靈事據衢州府知府王宏仁都使司楊祺溫處道姚啓聖申詳各到臣該臣看得浙省用兵地方遭賊殘害百姓顛連困苦臣前於

請賑被難饑民等事一疏將金衢等處來歸難民

題定動支捐助銀米賑濟在案今仰仗

朝廷德威循處溫三府淪陷各縣及嚴金地方悉已恢復  
數百萬生靈重出湯火行據該道府縣等官具詳被  
難人民哀籲呈詞所稱陷賊三載慘遭荼毒家貲盡  
於拷掠房屋化爲丘墟未絕之殘黎復遭疫癘所存  
之田地半掘溝濠婦女衣不蔽形牛畜種類俱絕合  
之臣所目擊真一字一淚不忍見聞况寒冬已至衣  
食全無萬姓呼號朝不保暮除臣一面見在酌量動  
支暫行賑濟臣惟我

皇上討逆靖亂總爲急救生民今地方復歸版圖見在場



形錫面之子遺皆異日辦賦輸糧之赤子也若不乘此萬死一生之際延其殘喘勢必將來有上無民干國謀者不少臣今在衢毒一出署則皆扶老挈幼擁集馬首向臣泣懇引首

皇恩亟賜蠲賑衢民如此各處可知伏讀康熙十四年十二月十四日

恩詔一款用兵地方民力重困蕩平之後各該督撫將應行蠲免賑恤事宜卽行奏請煌煌

天語視民如傷臣仰體

皇仁安敢不爲請命除西安龍游遂安見在地方與麗水

宣平縉雲等縣以及台嚴各縣衛所錢糧已經撫臣  
陳秉直於備陳地方傷慘情形等事一疏會

請蠲免聽候部議外今臣所

題請者乃係賊踞新經開復地方如衛屬西安縣之下  
洲等處龍游縣之南源等處暨江山常山開化等縣  
處屬之雲和松陽龍泉慶元景寧瑞昌青田等縣溫  
屬之永嘉泰順平陽瑞安樂清等縣嚴屬之遂安縣  
附近開常都督等處金屬之湯溪縣三源等處及衢  
處溫各衛所田地山塘賊陷已久中多人亡戶絕數  
載不毛之地伏乞

皇上俯念地方新復康熙十五年以前一切錢糧槩行蠲免難民牛種全無田荒未墾賦從何出其康熙十六年一切錢糧并

請槩行蠲免查照墾荒之法分給牛種有主者原主開墾無主者招民開墾自十六年起寬以三年之限照例墾科庶幾漸次復業總之民至今口髓盡骨枯若非皇上大沛恩澤

予以生全惟有逃亡流徙終於地方無補至於賑濟一項垂死之民止爭時刻臣一面遵照

題准之例仍於捐助銀米內動支給賑統容完日造冊

送部核銷外相應

題明仰祈

皇上俯念各府新復地方人民困苦萬狀非尋常旱潦災  
荒可比不靳

特恩救全數百萬生靈臣等幸甚地方幸甚臣謹會同總  
理糧餉臣達都撫臣陳秉直合詞遵

詔具

題伏乞

勅部議覆施行

康熙十五年十一月十八日題奉

旨該部議奏

李文襄公奏疏卷六

並請鑄版

三

擒獲賊首馬鵬疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲賊首拒命流毒地方密飭活擒并奏捷功仰祈

睿鑒事據瑞安管副將武榮臣標叅將蔣懋勛等塘報各到臣該臣看得逆首馬鵬係僞正先鋒總兵於諸逆中素稱梟惡歷年以來衢屬開常一帶悉遭慘害搶殺淫拷靡惡不爲萬民切齒本年八月間下洲賊衆敗潰之後各路山賊餘氛甚衆臣仰體

皇上好生之心不忍槩行誅勦隨卽設法招徠宣布

朝廷德意無不悔罪革心赴臣軍前輸誠歸命惟馬鵬等恃險負固聚眾於開王交界之陳村及江西德興之白沙關跳梁如故已經剿殺獲捷

題報在案今江南江西岐界賊寇遵

旨會剿臣因鄰省官兵師期未合仍復一面遣人持諭往招而馬鵬輒敢於臣官封面上大書兩朝功令俱各森嚴等語原封發還狂悖怙惡臣不勝眚裂且又勾引德興賊眾復至白沙關外地方剽營若不急擒正法無以上彰

國憲下快人心當卽密飭瑞安營副將武榮率領官兵

於康熙十五年十一月十九日前至賊營連破木城  
六座陣殺僞都守千把總等員斬獲甚衆逆首馬鵬  
敗潰遁入德興老巢隨密飭臣標叅將蔣懋勛等於  
康熙十五年十一月二十九日自白沙關起行直抵  
德興連破賊寨一十三座陣斬僞遊擊守備千把總  
等員斬殺賊衆甚多活擒逆首馬鵬得獲器械等項  
焚燬賊寨塘報前來除將僞總兵馬鵬解臣軍前顯  
示正法號令遠近以警負固餘孽外惟是各官兵奮  
勇用命屢戰屢捷功勤難泯經臣諒行給賞鼓勵所  
有勦賊獲捷活擒逆首情形相應



題報至在事有功文武人員遵例查造清冊一併揭送

吏兵二部臣謹密

題伏乞

皇上睿鑒施行

康熙十五年十二月十一日題奉

旨覽卿奏遣發官兵直抵德興屢敗賊衆攻破賊營十餘  
座陣斬爲遊擊等活擒逆首馬鵬得獲器械等項具見  
調度有方將士奮勇可嘉在事有功人員着議奏兵部  
知道